

**Corpus Juris Canonici, Per Regulas Naturali Ordine
Digestas, Usuque Temperatas, Ex Eodem Jure, Et
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac
delectu, in contrariis conciliatione, eximium, simulque Indicibus ac
Præfationibus, Notisque quamplurimis & exquisitis illustratum, ; In Tres
Tomos divisum

Complectens Prolegomena Ad Jus Canonicum In Se Et Universim
Consideratum

Gibert, Jean-Pierre

Coloniæ Allobrogum, 1735

Titulus II. Quotuplex sit Privilegium?

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

P A R S I I .

Complectens Regulas circà Privilegia, è solo Textu Juris Canonici desumptas quoad sensum, cùm explicatione aliunde etiam depropria.

Intra Tractatus ad Juris Canonici Prolegomena pertinentes, in quibus, de Jure Canonico considerato in genere, agitur, Tractatum de Privilegiis collocamus: hác potissimum ratione moti, quòd Privilegia, ut infra dicetur, sunt quædam Leges; hunc autem Tractatum Tractatui de Rescriptis anneximus ob maximam, quam habent Privilegia, cum Rescriptis Connexionem; sunt enim quodammodo Rescripta, Gratiae, cùm per ejusmodi Rescripta, ut plurimùm acquirantur Privilegia, & circà quamlibet istorum Rescriptorum materiam, versentur: præterea qua de Rescriptis falsis aut falsitate suspectis, de dubiis, de obscuris, aliaque similia, Privilegiis optimè convenienti adaptantur-ve.

Cæterum, quantum ad Ordinem, quem in tractando de Privilegiis sequemur, servato in aliis Tractatibus, sed maxime in Tractatu de Rescriptis, non absimilis erit; videbimus siquidem 1. Quid sit Privilegium, 2. Quotuplex; 3. Quid peculiare doceat Jus Canonicum circà quamlibet Privilegiorum speciem; 4. Quæ necessaria, ut valeat; 5. Quibus viis acquiratur; 6. Quis dare possit; 7. Quibus dari possit; 8. Quæ Materia, sive circà Quæ versetur; 9. Quæ Forma; 10. Qui effectus; 11. Quomodo interpretandum; 12. Quomodo servandum; 13. Quibus viis amittatur; 14. De Innovatione; 15. De Usurpatribus & Contemptoribus; 16. De Privilegiis in Corpore Juris clausis; 17. De Conservatoribus; 18. De exhibendis Privilegiis, & quæ Formâ.

T I T U L U S I .

Quid sit Privilegium?

Antequam explicemus, quæ sit Privilegiis Natura, notandum, Rem hoc vocabulo significatam in Jure Canonico donari variis nominibus. Vocatur enim 1. Privilegium, quod juxta vocabuli Etymologiam tria significat, quæ eodem recidunt; nempe, Legem privatam, Cap. 25. De Verborum significatione. Privatorum Legem; C. 3. Dist. III. & quod in privato fertur, ibidem. Dicitur autem Privilegium, Lex, quia servandum ut Lex, & à Potestate condendi Legem emanat; Dicitur Lex privata, vel Privatorum, quia in favore quorumdam Privatorum conceditur. 2. Indulgentia. Cap. 3. De Privilegiis. 3. Beneficium. Cap. 16. De Regulis Juris in VI. 4. Gratia. Cap. 11. De Concess. Preb.

Hæc autem tria postrema nomina Rei Privilegio significatae dari videntur, ratione originis; procedit etenim ex misericordia, liberalitate, & pietate Concedentis; unde, cùm infinita propemodum sint, quæ similiē habent originem, quæque non ideo similia habent nomina, evidens est, nullum ex his nominibus Rei per Privilegium significatae proprium esse; restat ergo, quòd aut nullum habeat in Jure nomen proprium, aut si quod habet, non aliud sit, quæ Privilegium, quo ab aliis Gratii, Beneficiis, Indulgentiis-ve distinguitur.

Notandum etiam, quodvis Privilegium, vel à Jure Communi eximere, vel aliquid contrà Jus Commune, aut præter Jus Commune concedere. His notatis.

Tom. I.

R E G U L A U N I C A .

Quæ propriam Privilegii Naturam continens, totam ferè hujus Tractatus Materiam explicat.

Privilegium est Lex privata à Lege Communi eximens, vel aliquid contrà, vel præter illam Legem, concedens.

Dicitur de Privilegio, quòd sit *Lex privata*, ob Primam allatam rationem.

Additur, à *Comuni Lege* eximens; quia unus ex effectibus Privilegii interdùm est, quòd eximat à com. muni obligatione per Leges aliis impositā, veluti cùm Subditos à Jurisdictione Superioris subtrahit.

Additur, quòd aliquid contrà *Legem Communem* concedat; quia iura, qua Quibusdam Jure Communi debentur, in alios quandoque transfert, ut cùm debita Parochis Decimæ aliis percipienda dantur.

Postremo additur, quòd *præter Legem Communem* aliquid concedat; quia iura aliis Lege Communi debita nonnullis communicantur, quibus tali Legi non debentur, ut cùm Honores & Ornamenta Episcopalia Abbatis permittuntur.

Ex Diictis in hoc Titulo sequitur, 1. Quòd Privilegium quandò idem sit cum Dispensatione, nimirum, cùm in exemptione à Lege Communi consistit; quo casu Privilegium non immerito vocatur Indulgentia, ipsoque applicari potest quidquid dictum est de Naturâ, Causis, Effectibus Dispensationis, dùm de Vicario Generali tractatum est, ideoque hoc in Tractatu de Privilegiis multa omittentur de industrâ, ne, quæ in memorato Tractatu dicta sunt, sine necessitate in isto repetantur: id ergo advertat Lector, ne quæ Tractatus isti desunt, Autorem præterfugisse existimet, sed multo magis, ut illa citato loco querat, eaque dicat quæ ignorare non debet.

2. Quòd si quandò Privilegium de Jure Communi esse dicatur, seu ad Jus Commune pertinere, Jus Commune non sumatur pro Lege, quæ major Reipublicæ Pars ligatur & regitur, quæque idcirco Lex Communi recte nuncupatur; sed pro Legibus Generalibus ad Rempublicam regendam necessariis, quo sensu non solùm Privilegia rigorose sumpta, sed & Dispensationes justâ de causa concessa, immo & Leges poenales de Jure Communi esse dicenda sunt, cùm Dispensationes justa, Legesque poenales, inter necessaria ad rectam Reipublica administrationem recensenda sint: De quibusdam speciatim dicitur, quòd sint de Jure Communi, quia Corpore Juris includuntur, Jus Commune continent.

T I T U L U S I I .

Quotuplex sit Privilegium?

R E G U L A .

Non aliæ Privilegiis Divisiones è Jure Canonico colliguntur, quæ istæ.

I. Privilegium, C. 16. 17. De Privilegiis. C. 5. De Arbitris, est vel Totale, vel Partiale.

Totale, quando Abbatia eximitur in Capite, & in Membris, à totâ Episcopi Jurisdictione.

Partiale, quando eximitur tantum in Capite, non in Membris; in parte, non in toto, ab hujusmodi Jurisdictione: vel quando Persona exempta est tantum ratione unius rei, non alterius; unius loci, non aliis.

II. Cap. 16. 21. De Privilegiis, vel est Personale, vel Reale, vel Locale.

Personale, quale, quo Episcopo permittitur, ut Beneficiorum suæ Diœcesis fructus per quoddam tempus percipiat.

Reale, quale, quo agri Monachorum à Decimarum solutione eximuntur.

i 3

Lq-

Locale, quale, quo conceditur Monasterio, ne possit ab Episcopo Censuris percelli.

III. *Cap. 6. De fide Instrum.* Aliud est Privilegium *Donationis*, aliud *Confirmationis*.

Donationis, quale, quo acquirendi Incapaci res immobilis donatur.

Confirmationis, quale, quo hujusmodi Donatio confirmatur.

IV. *C. 2. De Præbendis in VI.* Aliud in *Corpo Juris clauditur*, aliud non.

Prioris Generis est, illud, quo Monachi à Lege Diœcesana solvuntur.

Prioris Generis est, illud, quo Nonnulli Canonici Sedis Apostolicae immediate subiiciuntur.

Vide FAGANUM circa Privilegium Prioris generis in *Cap. 11. de Major. & Obed. n. 35.*

V.C. 12. *De Foro Competenti.* C. 36. *De Sententia Excommun.* sunt Privilegia, quæ dantur Membris in honorem totius Corporis; qualia, quæ conceduntur Clericis, ne possint a Judice Seculari quibusdam in Caibus judicari, neve à quovis violenter percuti, quin sit ipso facto excommunicatus. Sunt alia, quæ, nullâ habitâ ratione Corporis, Membris conceduntur; tale est quo quis fit ad Dignitatem Eligibilis, ad quam Jure Communi vel Particulari Ineligible erat; quale etiam, quo Pallii usus Episcopo conceditur. C. 5. *Dist. C.*

VI. Aliud est Privilegium *Scriptum*, aliud non *Scriptum*.

Scriptum, quale, quod Canone, vel Rescripto conceditur.

Non Scriptum, quale, quod Praescriptione, vel Conscientiae acquiritur.

VII. Aliud *Communi Juri contrarium*, aliud eidem *Juri conforme*.

Prioris exempla passim habentur in Canone ac talia sunt pleraque eorum, quæ in Corpore Juris continentur, quæque colliguntur *TITULO. XVI.*

Posterioris exemplum legitur *Cap. 18. De Verborum Significatione.*

VIII. Aliud est *falsum*, CLEM. 2. *De Privilegiis.* hujus generis exemplum præbet; vel *Falsitatis Suffictum*, quale, quod à Concedente, cui tribuitur, non emanavit, vel non emanasse videtur; Aliud est *Verum* vel ab omni falsitatis specie alienum, quale, quod concessum est ab eo, cui tribuitur, vel concessum justè creditur.

TITULUS. III.

Quid Peculiare habeatur in Jure Canonico circa diversas Privilegii species.

REGULA.

Non alia in Corpore Juris Canonici habentur circa quæsumum in §. quam ista.

I. Privilegium Personale. C. 6. *De Institutione C. 7. De Regulis Juris*, in VI. sequitur Personam: hinc pereunte Personam, perit; hinc, eadem transeunte è Loco in Locum, cum illa transit.

II. *Cap. 6. De Instituti.* C. 33. *De Privil.* Res semel Privilegiata, est semper Privilegiata, nisi aliud in Privilegio exprimitur: durat ergo rei Privilegium, quandiu res, gaudetque Privilegio quicunque illam possidet, transit enim res cum Privilegio suo ad quemlibet Possessorem, sicut ad eundem transit cum onere suo. Hinc, si Dignitatis Possessor annexum Dignitatis Privilegium abjaret, non perit Privilegium quoad Dignitatem, sed quoad Personam tantum. Ad cuius intelligentiam Nota, in Privilegio, sicut in Dignitate, distingui posse proprietatem & usum; proprietatem Privilegii annexi Dignitatis proprietati, usum vero, usui; unde cum Dignitatis Possessor non habeat nisi illius usum, hinc fit, ut solo Privilegii usu potiatur. Inferatur hæc Observatio ex C. 6. citato.

III. Privilegiati ratione Loci, Privilegium amittunt,

si ex illo excent. C. 16. 21. *De Privil.* Hinc Monasterii vel Collegii Membra, quæ ratione Loci, in quo habitant, ab Ordinario Censuris ligari non possunt. C. 1. *De Privilegiis in VI.* iis subduntur, si illinc discesserint; hinc etiam, quicquid ab Exemptis ratione Loci sit, vel possidetur, extrâ Exemptionis Locum, Ordinarii Jurisdictioni subjicitur; unde, si delinquent, si contrahant, si rem possideant, ratione Delicti, Contractus, Rei, Episcopo subduntur. Cap. 6. *De fide Instrum.*

IV. Unum & idem Privilegium non potest simul esse *Donationis* & *Confirmationis*; sed istud illud supponit, adeò ut illius meminisse debeat, & sit nullius roboris, si illud non præcesserit, vel non valuerit. ibidem Cap. 13. de Sent. & re jud.

Si confirmetur validum Privilegium à Superiore Concedentis, novam & majorem accipit autoritatem.

V. Privilegia in Corpore Juris clausa, sunt duplicitis generis; sunt enim quædam, quæ haberis possunt tanquam Pars Juris Communis: talia sunt Privilegia Archiepiscoporum & Patriarcharum; convenienti sequenti omni Archiepiscopo, & omni Patriarchæ, ideoque Commune Jus erga illos faciunt; talia sunt etiam Privilegia quæcumque omnibus Regularibus communia, sive etenim hæc Privilegia Jus Commune erga Regularias.

Sunt quoque alia Privilegia, quæ censenda sunt velut Exceptions Juris Communis; talia sunt, quæ quibusdam Regularibus conceduntur de non solvendis Decimis è terris, quas propriis manibus excolunt, vel de percipiendis Decimis Parochiarum, quarum Patroni sunt.

Privilegia in Corpore Juris clausa. Cap. 10. *De Rescriptis in VI.* ab aliis differunt in eo, quod illis derogatur per Constitutiones contrarias, et si de illis expressam mentionem non faciant; aliis vero Privilegiis nulla fiat Derogatio, nisi expressa sit in hujusmodi Constitutionibus; differunt etiam in eo, quod qui Posterioribus innititur, illa exhibere debeat; non idem qui Prioribus.

VI. Privilegia Juri Communi contraria, Cap. 18. *De Confuetud. sicut & Rescripta, Confuetudo, Statutum, Praescriptio*, eidem Juri opposita, quoad fieri potest, restraininga.

VII. Privilegia toti Corpori concessa, sunt duplicitis generis, alia enim concessa sunt in Bonum & Communum cuiusque Membrorum; alia vero in Honorem totius Corporis. C. 12. *De For. Compet.* Priori generi renuntiari potest à quilibet Membro: Posteriori vero non potest; cuius ratio: Quilibet proprii Commodi Dominus est, Cap. 36. *De Sententiâ Excommunic.* sed non Commodi & Honoris alieni.

Ob parem rationem. C. 5. *De Arbitris*, nulla Ecclesia, nullum Monasterium renuntiare potest Privilegiis, quibus illorum Ordinarius Superior illa sibi immediatè justâ de causâ subjicit, (Nota Exemptos in Gallia validè renuntiare Exemptioni sine Summi Pontificis consensu) nisi accedit hujuscemodis Superioris assensus, ut accedere videtur tacita Renuntiationi, quæ Praescriptio annexetur.

VIII. Partiale Exemptionis Privilegium Cap. 10. *De Privileg. in VI. his & consimilibus modis dignoscitur*, nempe, si concessa circa aliqua aliqua exemptione, addatur quod in indicium percepta libertatis solvetur annuis Census Ecclesie Romane. Idem, si post illam adjiciatur, ea Clausula in Speciales Ecclesie Romane Filios assumpti sunt.

Totale vero Exemptionis Privilegium his locutionibus exprimitur, nempe, si dicatur in Privilegio, vel in sententiâ super Exemptione principaliter pronunciata, Ecclesiam esse exemptam; vel juris BEATI PETRI existere; vel ad jus & proprietatem Ecclesie Romane, vel ad Romanam Ecclesiam specialiter, vel sine medio, vel etiam simpliciter pertinere; vel Ecclesiam esse liberam; vel Romanam Ecclesiam Libertate potiri; vel demum hujus Ecclesie Ministros in propriis & speciales subjectos recipi